

დამტკიცებულია - დირექტორის 2019 წლის 14 მაისის 04-46 ბრძანებით

ცვლილება - 2023 წლის 24 მაისის 04-120 ბრძანება



სსიპ - ილია წინამძღვრიშვილის სახელობის კოლეჯის

საკვალიფიკაციო გამოცდის ჩატარების წესი სამუშაოზე დაფუძნებული სწავლების (დუალური სწავლებით)
განხორციელებული პროფესიული საგანმანათლებლო

პროგრამებისათვის

ქ. მცხეთა

2019 წელი

მუხლი 1. ზოგადი დებულებები

- 1.1 წინამდებარე წესი შემუშავებულია „პროფესიული განათლების შესახებ“ საქართველოს კანონის, პროფესიული საგანმანათლებლო სტანდარტებისა და პროფესიის სტანდარტების საფუძველზე.
- 1.2 წინამდებარე წესის მიზანია სამუშაოზე დაფუძნებული სწავლების (დუალური სწავლებით) განხორციელებული პროფესიული საგანმანათლებლო პროგრამის კურსდამთავრებულთათვის კვალიფიკაციის მინიჭების პროცედურებისა და პირობების განსაზღვრა.

მუხლი 2. საკვალიფიკაციო გამოცდა

- 2.1 პროფესიული საგანმანათლებლო პროგრამების დუალური მიდგომით განხორციელების შემთხვევაში კვალიფიკაციის მინიჭების დამატებითი პირობაა საკვალიფიკაციო გამოცდის ჩაბარება.
- 2.2 საკვალიფიკაციო გამოცდის თემატიკა ეყრდნობა კოლეჯის მიერ შემუშავებულ შესაბამის პროფესიულ საგანმანათლებლო პროგრამას და არ სცილდება შესაბამისი პროფესიული საგანმანათლებლო პროგრამით გათვალისწინებულ სწავლის შედეგებს. ამასთანავე, გამოცდის თემატიკა ეყრდნობა შესაბამის პროფესიის სტანდარტს/სტანდარტებს ან/და შეფასების სტანდარტს/სტანდარტებს ან/და პროფესიულ საგანმანათლებლო სტანდარტს ან/და “WORLD SKILLS” სტანდარტების მახასიათებლებს.
- 2.3 გამოცდის თემატიკა მოიცავს შესაბამისი პროფესიული საგანმანათლებლო პროგრამის პრაქტიკული და/ან თეორიული სწავლის შედეგის/შედეგების მიღწევის დადასტურებას/დემონსტრირებას.
- 2.4 საკვალიფიკაციო გამოცდა ტარდება წელიწადში ორჯერ.

მუხლი 3. საკვალიფიკაციო საგამოცდო კომისია

- 3.1 პროფესიული საგანმანათლებლო პროგრამის დასრულებამდე, ორი კვირით ადრე, კოლეჯის დირექტორის ინიციატივით - ადმინისტრაციული სამართლებრივი აქტით მტკიცდება საკვალიფიკაციო საგამოცდო კომისიის შემადგენლობა.
- 3.2 საკვალიფიკაციო საგამოცდო კომისიის შემადგენლობაში უნდა შედიოდნენ:
- ა) შესაბამისი პროფესიული საგანმანათლებლო პროგრამის ხელმძღვანელი ან/და შესაბამისი საგანმანათლებლო პროგრამის პროფესიული მასწავლებელი;
 - ბ) პარტნიორი საწარმოს წარმომადგენელი ან/და შესაბამისი პროგრამის განხორციელებაში ჩართული ინსტრუქტორი;
 - გ) შესაბამისი მიმართულების პროფესიული ასოციაციის ან/და დამსაქმებლის წარმომადგენელი/წარმომადგენლები;
 - დ) საჭიროების შემთხვევაში, იმ პროფესიული საგანმანათლებლო დაწესებულების შესაბამის დარგში კვალიფიკაციის მქონე წარმომადგენელი, რომელიც ახორციელებს მსგავსი მიმართულების პროფესიულ საგანმანათლებლო პროგრამას;
 - ე) საჭიროების შემთხვევაში, სხვა საჯარო ან კერძო დაწესებულების წარმომადგენელი.
- 3.3 საკვალიფიკაციო საგამოცდო კომისია გადაწყვეტილება უნარიანია თუ საკვალიფიკაციო საგამოცდო კომისიის წევრები, რომლებიც არ იყვნენ ჩართულნი შესაბამისი პროფესიული საგანმანათლებლო პროგრამის განხორციელებაში, წარმომადგენენ უმრავლესობას.
- 3.4 საკვალიფიკაციო საგამოცდო კომისია უნდა შედგებოდეს მინიმუმ 5 წევრისაგან.

- 3.5 საკვალიფიკაციო საგამოცდო კომისია გადაწყვეტილების მიღებისუნარიანია, თუ მას ესწრება საკვალიფიკაციო საგამოცდო კომისიის წევრთა არანაკლებ 3/4-ისა.
- 3.6 საკვალიფიკაციო საგამოცდო კომისიას ჰყავს თავმჯდომარე, რომელსაც, ხმათა უმრავლესობით, ირჩევენ საკვალიფიკაციო საგამოცდო კომისიის წევრები.
- 3.7 საკვალიფიკაციო საგამოცდო კომისია, კვალიფიკაციის მინიჭების შესახებ გადაწყვეტილებას იღებს ხმათა უმრავლესობით. კომისიის წევრთა ხმების თანაბრად გაყოფის შემთხვევაში, გადამწყვეტი ხმის უფლება ენიჭება კომისიის თავმჯდომარეს.
- 3.8 საკვალიფიკაციო საგამოცდო კომისიის ფუნქციებია:
- ა) საგამოცდო საკითხების შემუშავება;
 - ბ)
 - გ) განმეორებითი გამოცდის საკითხების შემუშავება;
 - დ) კვალიფიკაციის მინიჭების შესახებ გადაწყვეტილების მიღება;

მუხლი 4. გამოცდისათვის მომზადება

- 4.1 კოლეჯს უფლება აქვს გააფორმოს ურთიერთთანამშრომლობის მემორანდუმი სხვა საგანმანათლებლო დაწესებულებასთან, რომელიც ახორციელებს შესაბამის პროფესიულ საგანმანათლებლო პროგრამას და ითანამშრომლოს საკვალიფიკაციო გამოცდის მოსამზადებლად.
- 4.2 კონკრეტული პროგრამის სპეციფიკის გათვალისწინებით, საგამოცდო საკითხებს შეიმუშავებს საკვალიფიკაციო საგამოცდო კომისია.
- 4.3 კოლეჯის ადმინისტრაცია ვალდებულია მხარი დაუჭიროს საკვალიფიკაციო გამოცდის ორგანიზებასა და ჩატარებას.
- 4.4 საგამოცდო საკითხები, პროგრამის სპეციფიკის გათვალისწინებით, იქმნება ამ წესის დანართი N1-ის შესაბამისად.
- 4.5 საკვალიფიკაციო საგამოცდო კომისიის მიერ პროფესიული სტუდენტის შეფასების ფორმა უნდა შეიცავდეს შემდეგი სახის ინფორმაციას:
- ა) დავალების შინაარსი;
 - ბ) დავალების შესრულების დრო და ადგილი;
 - გ) შეფასების კრიტერიუმები;
- 4.6 საგამოცდო საკითხები ცნობილია მხოლოდ საკვალიფიკაციო საგამოცდო კომისიის წევრებისათვის და აღნიშნული წარმოადგენს კონფიდენციალურ ინფორმაციას, გამოცდის საკითხების შემუშავებიდან გამოცდის დასრულებამდე.
- 4.7 შესაფასებელ პირს 14 კალენდარული დღით ადრე მიეწოდება ინფორმაცია გამოცდის ჩატარების დროისა და ადგილის შესახებ, წერილობითი ან/და ზეპირსიტყვიერი ფორმით.

მუხლი 5. გამოცდის ჩატარება

- 5.1 საკვალიფიკაციო გამოცდა შესაძლებელია ჩატარდეს თეორიული, პრაქტიკული ან/და თეორიულ-პრაქტიკული გამოცდის სახით.
- 5.2 საკვალიფიკაციო გამოცდა შესაძლებელია ჩატარდეს კოლეჯის ტერიტორიაზე ან მის ფარგლებს გარეთ (საწარმოში).

- 5.3 საკვალიფიკაციო გამოცდის მსვლელობისას შესაძლებელია განხორციელდეს ფოტო გადაღება ან/და აუდიო ან/და ვიდეო ჩაწერა;
- 5.4 საკვალიფიკაციო გამოცდას ესწრებიან შესაბამისი ინდივიდუალურ - ადმინისტრაციული სამართლებრივი აქტით განსაზღვრული საკვალიფიკაციო საგამოცდო კომისიის წევრები.
- 5.5 საკვალიფიკაციო გამოცდაზე გამოცხადების შეუძლებლობის შემთხვევაში, საკვალიფიკაციო საგამოცდო კომისიის წევრი, რომელიც ვერ ცხადდება გამოცდაზე, მინიმუმ ერთი სამუშაო დღით ადრე, ატყობინებს კოლეჯის ადმინისტრაციას, რის შემდეგაც გამოიცემა ახალი ინდივიდუალურ-ადმინისტრაციული სამართლებრივი აქტი, საკვალიფიკაციო საგამოცდო კომისიის შემადგენლობის ცვლილების შესახებ.
- 5.6 საჭიროების შემთხვევაში, გამოცდას ესწრებიან ადმინისტრაციის სხვა წარმომადგენლები, რომლებიც უზრუნველყოფენ პროცესის ფოტო და/ან ვიდეო გადაღებას, ასევე, საკვალიფიკაციო საგამოცდო კომისიის ოქმის მომზადებას.
- 5.7 საკვალიფიკაციო გამოცდის მსვლელობისას დგება ოქმი, რომელსაც ხელს აწერს საკვალიფიკაციო საგამოცდო კომისიის ყველა დამსწრე წევრი. საკვალიფიკაციო საგამოცდო კომისიის წევრის განსხვავებული აზრი დაერთდება ოქმს, დანართის სახით.

მუხლი 6. აპელაცია

- 6.1 საკვალიფიკაციო გამოცდის შედეგები წერილობითი ან/და ზეპირსიტყვიერად სტუდენტს ეცნობება გამოცდის დასრულებიდან არაუგვიანეს 3 სამუშაო დღისა.
- 6.2 სტუდენტს უფლება აქვს გაასაჩივროს გამოცდის შედეგები მათი გაცნობიდან 3 სამუშაო დღის ვადაში, რისთვისაც განცხადებით უნდა მიმართოს კოლეჯის ადმინისტრაციას.
- 6.3 სტუდენტი ვალდებულია განცხადებაში მიუთითოს საკვალიფიკაციო საგამოცდო კომისიის მიერ მიღებული გადაწყვეტილების რომელ ნაწილს არ ეთანხმება.
- 6.4 კოლეჯის ადმინისტრაცია განიხილავს სტუდენტის განცხადების ფორმალურ შესაბამისობას, კანონით დადგენილ მოთხოვნებთან და განცხადების მიღებიდან 3 სამუშაო დღის ვადაში დირექტორის ინდივიდუალურ-ადმინისტრაციული სამართლებრივი აქტით ამტკიცებს სააპელაციო საბჭოს შემადგენლობას.
- 6.5 სააპელაციო საბჭო შედგება:
1. კოლეჯის იურისტი;
 2. შესაბამისი დარგის სპეციალისტი;
 3. პროფესიული ასოციაციის წარმომადგენელი ან დამსაქმებელი;
- 6.6 სააპელაციო საბჭო უფლებამოსილია, საჭიროების შემთხვევაში, მოიწვიოს საკვალიფიკაციო საგამოცდო კომისიის წევრი /წევრები, მომჩივანი მხარე და მოისმინოს მათი ახსნა-განმარტება.
- 6.7 სააპელაციო საბჭოს ფუნქციებია:
- ა) შეამოწმოს გასაჩივრებული გადაწყვეტილება, კანონიერებისა და მიზანშეწონილობის თვალსაზრისით.
 - ბ) გამოიკვლიოს და შეისწავლოს საქმისთვის მნიშვნელოვანი ყველა გარემოება;
- 6.8 სააპელაციო საბჭო, ხმათა უმრავლესობით, იღებს ერთ-ერთ შემდეგ გადაწყვეტილებას:
- ა) საკვალიფიკაციო საგამოცდო კომისიის გადაწყვეტილების გაზიარების შესახებ;
 - ბ) საკვალიფიკაციო საგამოცდო კომისიისთვის გადაწყვეტილების ხელახლა განსახილველად დაბრუნების შესახებ.

6.9 დაუშვებელია სააპელაციო საბჭოს შემადგენლობაში შედიოდეს საკვალიფიკაციო საგამოცდო კომისიის წევრი.

6.10 სააპელაციო საბჭო გადაწყვეტილებას იღებს ამავე მუხლის 6.4 პუნქტით განსაზღვრული ინდივიდუალურ-ადმინისტრაციული სამართლებრივი აქტის გამოცემიდან 5 სამუშაო დღის ვადაში.

6.11 საკვალიფიკაციო საგამოცდო კომისია განმეორებით განიხილავს სააპელაციო საბჭოს მიერ მისთვის დაბრუნებლ გადაწყვეტილებას და, სათანადო დასაბუთებით, ცვლის ან უცვლელად ტოვებს მის მიერ მიღებულ თავდაპირველ გადაწყვეტილებას.

მუხლი 7. განმეორებითი გამოცდა

7.1 საკვალიფიკაციო გამოცდაზე გამოცხადებლობის ან არადამაკმაყოფილებელი შეფასების მიღების შეთხვევაში, სტუდენტის სტატუსი განისაზღვრება შეჩერებულად, სტუდენტს უფლება აქვს, გამოცდის შედეგების გაცნობიდან ერთი წლის განმავლობაში, განმეორებით გავიდეს გამოცდაზე.

7.2 განმეორებით გამოცდაზე დასაშვებად და სტუდენტის სტატუსის აღსადგენად სტუდენტმა ამ მუხლის 7.1 ქვეპუნქტით დადგენილი ვადის ამოწურვამდე მინიმუმ 2 კვირით ადრე განცხადებით უნდა მიმართოს კოლეჯის ადმინისტრაციას;

7.3 განმეორებითი საკვალიფიკაციო გამოცდისათვის იქმნება განახლებული საგამოცდო საკითხები.

7.4 ამ მუხლის 7.1 და 7.2 პუნქტით გათვალისწინებული უფლებით სარგებლობა თითოეულ სტუდენტს შეუძლია მხოლოდ ერთჯერადად.

მუხლი 8. მტკიცებულებები

8.1 საკვალიფიკაციო გამოცდის მიმდინარეობისას, პროფესიული სტუდენტის მიერ შექმნილი წერილობითი ნამუშევარი შესრულებული ნაწარმი/ პროექტი და ნებისმიერი სახის მატერიალურად შექმნილი პროდუქტი, რომლიც ექვემდებარება შენახვას, ასევე პროფესიული სტუდენტის მიერ დავალების შესრულების ამსახველი ფოტო, აუდიო/ვიდეო მასალა წარმოადგენს მტკიცებულებას და ინახება კოლეჯში ექვსი წლის განმავლობაში.

მუხლი 9. დასკვნითი დებულებანი

9.1 წინამდებარე წესში ცვლილებების ან/და დამატებების შეტანა ხორციელდება კოლეჯის დირექტორის ინდივიდუალურ-ადმინისტრაციული სამართლებრივი აქტით.

საკვალიფიკაციო საგამოცდო კომისიის სხდომის ოქმის დანართი N1

საკვალიფიკაციო საგამოცდო კომისიის მიერ პროფესიული სტუდენტის შეფასების ფორმა

პროფესიული პროგრამა (კოდის მითითებით)		
გამოცდის ფორმა	ა. თეორიული	ბ. პრაქტიკული
თარიღი		
ადგილი		
საგამოცდო საკითხების რაოდენობა		

				სტუდენტები (სახელი, გვარი, პ/ნ)									
N	საგამოცდო საკითხი	N	შეფასების კრიტერიუმები										
1		1											
		2											
		3											
		4											
		5											
		6											
		7											
		8											
		9											
		10											
		11											

[illegible]

საკითხი 3 დადასტურდა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა
გამოცდა ჩაითვალა ჩაბარებულად	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა	ა. დიას ბ. არა

კომისიის თავმჯდომარე: / სახელი, გვარი/

კომისიის წევრები: /სახელი, გვარი/